

NAŠA VOJSKA HALVA BOJCKA

Ministarstvo odbrane - obrane i Oružane snage
Bosne i Hercegovine

Pratite nas
na našim medijima:



<http://www.mod.gov.ba/>



<https://www.facebook.com/modbih>



<http://os.mod.gov.ba/>



YouTube Kanali MO i OS BiH



ORUŽANE SNAGE BOSNE I HERCEGOVINE osnovane su 1. decembra 2005. godine. U skladu sa Zakonom o odbrani Bosne i Hercegovine, Oružane snage su profesionalna, jedna vojna sila, koju kontroliše i organizuje Bosna i Hercegovina. Oružane snage, kao instituciju BiH, čine pripadnici iz reda sva tri konstitutivna naroda i reda ostalih, u skladu sa Ustavom i zakonima države. Bosna i Hercegovina razvija, organizuje i održava vojni kapacitet i spremnost Oružanih snaga u cilju osiguranja suvereniteta, teritorijalnog integriteta, političke nezavisnosti i međunarodnog subjektiviteta BiH, te unapređenja ciljeva vanjske politike, ispunjenja međunarodnih obaveza, kao i zaštite državljana BiH.



Ministarstvo odbrane
Bosne i Hercegovine

Hamdije Kreševljakovića 98

71000 Sarajevo

Tel: +387 33 285 500,

fax: +387 33 206 094

E-mail: info@mod.gov.ba

www.mod.gov.ba
www.os.mod.gov.ba



oruzanesnaga_bih

1.12.2025.
DAN ORUŽANIH SNAGA
Bosne i Hercegovine

1.) BiH i NATO – SARADNJOM DO KOLEKTIVNE SIGURNOSTI

Saradnja Bosne i Hercegovine s NATO-om podiže se na novi nivo Individualnim prilagođenim partnerskim programom (ITPP) za BiH. Od 2007. godine, ključ saradnje BiH i NATO saveza predstavljao je Proces planiranja i revizije (PARP), kao glavni mehanizam programa Partnerstva za mir (PfP) i ispunjavanja partnerskih ciljeva za jačanje sposobnosti OS BiH te povećanja stepena interoperabilnosti sa snagama NATO-a. Nakon što su članice NATO-a 2022. godine pokrenule Inicijativu za izgradnju odbrambenih i sigurnosnih kapaciteta (DCBI) BiH, u februaru 2023. godine odobrena je i lista projekata u vrijednosti od 32,5 miliona eura za period realizacije od dvije do pet godina.

Programom ITPP obuhvaćaju se i druga resorna ministarstva BiH, čime država dalje osnažuje saradnju s NATO-om. Kao glavni instrument ove saradnje, BiH nastavlja koristiti Program reformi.

2.) Civilno-vojna saradnja - VOJSKA U SLUŽBI GRAĐANA

Važnu ulogu na unutrašnjem planu u BiH imaju Oružane snage BiH kroz saradnju sa civilnim strukturama zemlje, a koja se posebno ogleda u angažovanju OS BiH u pomoći stanovništvu pri prirodnim i drugim nesrećama. Resursi OS BiH, u skladu sa potrebama civilnih struktura, redovno se angažuju za vrijeme poplava, požara, snježnih nepogoda, sanaciji klizišta, izgradnji putne komunikacije, medicinskoj evakuaciji, potragama za nestalim osobama, kao i u organizaciji raznih kulturnih, sportskih, vjerskih i drugih manifestacija.

OS BiH kontinuirano potvrđuju spremnost i opredijeljenost da služe ne samo stanovništvu BiH u slučaju elementarnih nepogoda, nego i šire. Helikopteri OS BiH tokom ljetnih mjeseci gase požare širom naše zemlje, jedinice OS BiH uvijek pomažu ugroženima od poplava, a pomagali su i nakon poplave u Sloveniji, zemljotresa u Turskoj te požara u Crnoj Gori.

3.) Više od dvije decenije u mirovnim misijama - DOPRINOS IZGRADNJI MIRA U SVIJETU

Oružane snage BiH su svojim učešćem u mirovnim misijama, u više od dvije decenije dale velik doprinos naporima za očuvanje mira u zemljama u kojima su se događali ratni sukobi. To je pozitivno prepoznato od naših partnera u NATO-u i EU, koji Bosnu i Hercegovinu cijene kao zemlju spremnu za aktivno učešće u osiguravanju mira i stabilnosti u svijetu.

4.) Protivminske akcije u OS BiH – HUMANITARNO DEMINIRANJE ZA SIGURNIJU BUDUĆNOST

Oružane snage BiH svoje aktivnosti iz oblasti humanitarnog deminiranja i protivminskih akcija provode u skladu sa odobrenom Strategijom protivminskog djelovanja u BiH, s ciljem da naša država bude očišćena od mina. Doprinos OS BiH u akcijama deminiranja BiH raste iz godine u godinu.

5.) Podmlađivanje kadra OS BiH – OKRENUTI IZAZOVIMA BUDUĆNOSTI

Proces podmlađivanja kontinuirano teče od 2008. godine. Zanimanje vojničkog kadra obavlja se kroz proces odabira i prijema XXXIII i XXXIV klase vojnika. Nakon završene obuke XXXIII klase primljeno je 320 vojnika, dok se kandidati XXXIV. klase nalaze na obuci.

Prijemom XVI i XVII klase podmlađen je i podoficirski kadar, a na obuci se trenutno nalazi XVIII klasa podoficira. Na oficirskoj obuci se nalazi XII klasa kandidata za oficire, a redovno se nastavlja raspisivanje javnih pozva i konkursa za prijem kandidata za nove oficire. Oficirski kadar podmlađujemo i kroz proces školovanja našeg osoblja na inostranim vojnim akademijama.

6.) Rodna ravnopravnost u Oružanim snagama BiH – I ŽENE U ISTOM STROJU

Od ukupnog broja pripadnika Oružanih snaga BiH, žene su u procentima zastupljene s više od 10 %. Ministarstvo odbrane vodi računa o rodnoj ravnopravnosti unutar svih jedinica, o čemu svjedoči činjenica kako u svim jedinicama do nivoa bataljona postoje kontakt osobe za rodna pitanja. Zanimanje žena za pristupanje OS BiH je u kontinuiranom porastu.

